

Tge porta H+ a ses commembers?

Bernhard Wegmüller

„H+ Ils spitals da la Svizra? – Anc mai udì!“ Uschia reageschan blers collavuratur da spitals, clinics e chasas da tgira, sch'ins als dumonda suenter l'associaziun naziunala dals spitals, da las clinics e chasas da tgira publics e privats. Nus da H+ na vulain però betg mo esser l'associaziun da las instituziuns commembras, mabain era quella dals collavuratur.

„Quels a Berna n'han nagin'idea dal mintgadi en ils spitals, uschiglio na votassan els betg per leschas uschè absurdas“, di la tgirunza Jacqueline Zubler durant ina pausa, cura ch'ella ha finalmain peda da dar in'egliada en la gasetta. Cun ses parairi n'è ella betg uschè lunsch davent da la realitad, ma quai n'è betg fitg sorprendent.

H+, la vusch dals commembers en la chasa federala a Berna

H+ è la vusch dals spitals, da las clinics, chasas da tgira e dals centers da rehabilitaziun publics e privats en la politica federala. La fin d'october 2002 han ils commembers da H+ incumbensà la direcziun da lur associaziun da defender ils interess e basegns dals spitals cun agid d'ina communicaziun e d'in lobing professiunal. Uschia avain nus rinforzà ils impurtants contacts persunals cun ils commembers da las cumissiuns per la sanadad e cun auters commembers dal cussegl naziunal e dal cussegl dals chantuns. Ultra da quai cumpara dapi il settember 2004 la newsletter "H+ Bundeshaus", che vegn edida duas fin quatter giadas l'onn. Quella explitgescha als parlamentararis en artigels curts, ma precis, las difficultads ed ils basegns dal mund dals spitals e creescha uschia ina punt tranter ils spitals e la legislaziun da la Confederaziun. La proxima revisiun da la lescha davart l'assicuranza da malsauns duai tegnair quint meglier dals basegns dals spitals, da las clinics e da las chasas da tgira, e sche pussaivel evitar pass sbagliads. Quai è ina da las grondas incumbensas da l'associaziun.

Per la furmaziun cuntinuada e la politica da furmaziun...

H+ participescha activamain a la concepziun da la nova furmaziun professiunala orientada a la pratica e porscha curs da furmaziun cuntinuada per las professiuns dal sector sanitar e dal management da spitals. Per quai datti dus centers da furmaziun H+: l'in ad Aarau e l'auter a Cully al Lai da Genevra. Il center da Cully è actualmain en process da fusiun cun ils dus centers da furmaziun da l'Associaziun svizra da tgirunzas e tgirunzs e da la Crusch Cotschna Svizra. Uschia vegn avert il 2006 il pli grond center da furmaziun cuntinuada en Svizra romanda per las professiuns da la sanadad.

Ma las novas scolaziuns per las furmaziuns professionali ston l'emprim anc vegnir svilupadas. H+ defenda en quest connex ils basegns da ses commembers, per garantir che las novas scolaziuns sa cumprovian en la pratica.

... la segirtad a la lavur ed in'administraziun moderna

La segirtad a la lavur è in tema omnipreschent en mintga spital. H+ offra a tut ils spitals, che vulan participar a la soluziun adattada a lur sector, ina soluziun cumpetenta a cundiziuns optimalas. Ultra da quai porscha H+ dapi decennis als spitals servetschs innovativs ed adattads, p.ex. per la contabilitad, per promover la trasparenza e las cumparegliaziuns tranter ils spitals. L'associaziun sustegna tant sco pussaivel ils sforzs da tut ils spitals da modernisar lur systems electronics.

Tractativas e projects naziunals

H+ è la vusch da ses commembers en tut las tractativas e per tut ils projects naziunals: tariffas medicalas e betg medicalas, la soluziun svizra dals custs pro cas Swiss DRG, il contract general da qualitat, etc. I dat numerusas cumissiuns e gremis naziunals nua ch'ils spitals, las clinicas e las chasas da tgira stuessan urgentamain esser represchentads. H+ fa exact questa lavur tenor meglier savair e pudair, era en l'interess dals collavuradors da tut las instituziuns commembras.

Bernhard Wegmüller

Directur H+